



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Komunikadu Imprensa

6 Marsu 2015

Timor-Leste Komemora Loron Internasionál Feto ho tema Hakbi'it Feto, Hakbi'it Umanidade

Iha 8 Marsu 2015, Timor-Leste komemora “loron internasionál ba feto” nu’udar loron importante hodi fó rekoñesimentu ba kontribuisaun feto iha mundu no partikularmente feto iha Timor-Leste ba sira nia luta no dezafiu hodi hetan iguallade iha sosiedade.

Tema ba selebrasaun loron mundiál feto iha tinan ida ne’e mak “Hakbi’it Feto, Hakbi’it Umanidade.”

Tópiku sentral ba selebrasaun tinan ida ne’e refleto duni kondisaun real moris feto Timor-Leste nian. Maske Estadu halo esforsu hotu-hotu atu dezenvolve feto no enkoraza partisipasun feto iha aspetu oi-oin, maibé JSMP observa katak feto no labarik feto barak mak sei kontinua luta atu livre husi violénsia hasoru sira,” dehan Luis de Oliveira Sampaio, Diretór Ezekutivu JSMP.

Komemorasaun ba loron importante ne’e, atu refleto esforsu sira ne’ebé ita halo ona saída mak persiza halo liu tan atu próteze labarik feto sira hosi kualker forma violénsia hasoru feto. Ne’e importante atu kumpri ita nia obrigasaun konstitusional no obrigasaun internasionál sira ne’ebé hatuur iha Konstituisaun no konvensaun internasionál sira ne’ebé Estadu ratifika ona.

JSMP observa katak feto no labarik feto barak mak sei kontinua esperiensa violénsia. Feto barak mak sei sofre violénsia doméstika ho sira nia laen ka parseiru intímu sira. Feto balun tenke aleija ka lakon sira nia vida tanba kauza hosi violénsia doméstika.

Aleinde ne’e, JSMP mós resjista katak labarik feto barak mak sofre violénsia seksuál no abuzu seksuál hosi sira nia membru família rasik no lakon sira nia futuru tanba violénsia no trauma ne’ebe sira hetan.

Situasaun no kondisaun hirak ne’e nu’udaar rejultadu husi prátika kultura, realidade ne’e nu’udaar dezafiu iha konstrusaun ba kultura iguallade.

JSMP deskobre realidade hirak ne'e husi atividade monitorizaun regular iha tribunál haat iha juridisaun hotu iha Timor Leste, hatudu katak kazu violénsia doméstika barak tanba laen sira la konsidera feen nia servisu iha uma-laran (servisu doméstika).

JSMP apresia esforsu hotu-hotu ne'ebé estadu halo liuhosi polítika públiku oin-oin atu asegura igualdade jéneru no polítika lejislativu atu proteze fetu no labarik fetu hosi violénsia. Maske nune'e, JSMP enkoraza Estadu atu fo kbi'it ba instituisaun judisiáriu sira hodi halo sira nia servisu ho livre no independente.

Relasiona ho komemorasaun loron importante ne'e, JSMP aproveita hodu kongratula fetu hotu iha mundu, liu-liu fetu Timor-Leste ne'ebé korazen ne'ebé kontinua luta hodi defende maluk fetu sira-nia direitu no luta ba lia-loos ho justisa.

Atu hetan informasaun liutan bele kontaktu ba:

Luis de Oliveira Sampaio
Diretór Ezekutivu JSMP
Diresaun e-mail: luis@jsmp.minihub.org
Telefone:3323883 | 772957